

Poštovane porodice,

Mi u Odboru Okružne škole Hamilton-Wentworth (HWDSB) posvećeni smo identifikaciji i uklanjanju barijera, tako da svi učenici uče u inkluzivnoj sredini, uz podršku i poštovanje.

Da bismo saznali nešto više o našim učenicima, mi ćemo sprovesti dobrovoljni i povjerljivi popis. U aprilu 2021, *Svi smo važni: Popis učenika za 2021. HWDSB-a* je otvoren i postavljana su pitanja o identitetu studenata (rasa, spol itd.) u cilju identifikacije i rada na rješavanju sistemskih barijera. Zbog pandemije i malog odziva, mi ponovo otvaramo Popis učenika da bismo svim učenicima pružili mogućnost da dovrše popis. To će se odvijati od 29. novembra 2021. do 16. decembra 2021.

Mnogi školski odbori sproveli su popis učenika. U stvari, Zakon o antirasizmu iz 2017. i Akcioni plan za jednakost u obrazovanju Ontarija zahtijevaju da školski odbori prikupljaju i prijavljuju ove podatke. To je prioritetni projekt i u Akcionom planu za jednakost HWDSB-a.

Mi znamo da nekad zna biti neugodno kad se pita za identitet nekog lica i mi to radimo sa senzitivitetom. Mi smo konsultirali učenike, porodice, osoblje i članove zajednice, tako da ovaj popis pomaže HWDSB-u da donosi odluke zasnovane na dokazima kako bi se podržali jedinstvo, uspjeh učenika i njihova dobrobit.

Kako će se to dešavati?

Djeca vrtićkog uzrasta do učenika 4. razreda: Na Portalu za roditelje ćemo dodati formular. Roditelji i staratelji mogu otići na Portal, otvoriti taj formular i popuniti Popis učenika na toj lokaciji. Štampane kopije raspoložive su ako podnesete zahtjev učitelju vašeg djeteta. Popunite samo jedan popisni formular o učeniku (online ili štampani).

Razredi od 5. do 12. - Fizički prisutni i polaznici na daljinu: Mi ćemo, još jednom, e-poštom poslati siguran link učenicima u razredima od 5. do 12. tako da oni mogu popuniti popisni formular online tokom nastave, uz podršku nastavnika. Učenici čiji su roditelji/staratelji prethodno zatražili da oni NE učestvuju u popisu neće dobiti tu e-poštu.

Šta se u njemu pita?

Zavisno od starosti učenika, pitanja u popisu mogu biti o jezicima učenika, o autohtonom identitetu, etničkoj pripadnosti, rasi, vjeri, rodnom identitetu, seksualnoj orijentaciji, (in)validnostima, mjestu rođenja i statusu državljanstva/imigracije.

Kako će se u HWDSB-u štititi lične informacije o učenicima?

HWDSB je posvećen najvišem nivou privatnosti i povjerljivosti kod prikupljanja informacija o učenicima i porodicama. Podaci iz popisa učenika se prikupljaju po ovlastima iz Zakona o antirasizmu, 2017, S.O.

2017, c. 15, Zakona o obrazovanju, R.S.O. 1990, c. E.2 te su u skladu sa Općinskim zakonom o slobodi informacija i zaštiti privatnosti, R.S.O. 1990, c. M.56.

Popis učenika je povjerljiv, ali nije anoniman. Pojedinačni odgovori učenika će biti grupisani zajedno u cilju analize, tako da se nijedna informacija o pojedinačnom učeniku ne može nikada identificirati. Prikupljeni odgovori će biti pohranjeni u sigurnoj, povjerljivoj bazi podataka i njima će pristupati samo ovlašteno osoblje za istraživanje i analitiku HWDSB-a u svrhu identifikacije i rezimiranja trendova među učenicima u okviru HWDSB-a.

Da li je on obavezan?

Popunjavanje popisa je dobrovoljno. Međutim, mi tražimo od učenika da učestvuju tako da dobijemo tačnu sliku naše učeničke populacije. Visoka stopa odziva pomoći će nam da utvrdimo barijere, kreiramo strategije i poradimo na uklanjanju barijera u uspjehu učenika i njihovoj dobrobiti putem naših programa i resursa. Učenici koji su već odlučili da ne učestvuju neće dobiti link za anketu kad se ona ponovo otvori. Porodice koje ne žele da njihova djeca učestvuju, a nisu ranije odlučile da ne učestvuju, mogu poslati e-poštu na research@hwdsb.on.ca.

Pitanja?

Mi pozivamo i odgovaramo na pitanja dok se pripremamo za popis. Izvolite saznati više na našoj internetskoj stranici www.hwdsb.on.ca/weallcount, gdje ćete pronaći Često postavljana pitanja (FAQ) o popisu. Možete kontaktirati i naš tim za popis učenika na adresi census@hwdsb.on.ca.

Hvala vam na pomoći HWDSB-u u prikupljanju podataka na odgovoran način, tako da možemo kreirati ravnopravne ishode u obrazovnom sistemu.

S poštovanjem,

A handwritten signature in black ink, appearing to read "Manny Figueiredo".

Manny Figueiredo
direktor za obrazovanje

A handwritten signature in black ink, appearing to read "Paul Denomme".

Paul Denomme
nadzornik za uspjeh učenika,
ravnopravnost i angažman učenika